

Rödntal

=====

Stieh ich auf de Lauteburch  
un guck in dan Itzgrund nei,  
denk ich auf de ganzn Walt  
Könnts nerchnts schönne gsei.

Mittndurch läuft a Flüssla  
emol langsam emol schnell,  
eemol is es Wasse dunkl  
eemol is es Wasse hell.

Fischla flitzn nauf un runte,  
grad als hättn sa ke Zeit  
un dös Wasse plätschet munte,  
ach wie is dös herrlich heit.

Bei untewoschboch is a Schlössla  
me muß blueß a weng an Hügl nauf,  
weite untn sieht me Ösla  
die erschn Häuse guckn rauf.

Lauscht me wie die Vüechl zwitschen  
is grad als hört me jedesmal,  
nerchents auf de Walt is schönne  
als bei uns in Rödntal.

